

離騷圖

〔清〕蕭雲從 繪

離騷圖

上海古籍出版社

圖書在版編目(CIP)數據

離騷圖(藍印本)/(清)蕭雲從繪. —上海:上海古籍出版社, 2013. 6

ISBN 978-7-5325-6840-6

I. ①離… II. ①蕭… III. ①版畫—中國—清代—畫冊 IV. ①J227

中國版本圖書館 CIP 數據核字(2013)第 105486 號

ISBN 978-7-5325-6840-6



離騷

圖

(全三冊)

〔清〕蕭雲從 繪

出版

上海世紀出版股份有限公司

上海古籍出版社

(上海瑞金二路二七二號 郵政編碼 200020)

(一) 網址: www.guji.com.cn

(1) E-mail: guji@guji.com.cn

(三) 易文網網址: www.ewen.cc

發行經銷 上海世紀出版股份有限公司發行中心

印刷 杭州蕭山古籍印務有限公司

開本 六五〇乘一五六〇毫米 八開

印張 三一

版次 二〇一三年六月第一版 二〇一三年六月第一次印刷

印數 一—五〇〇

書號 ISBN 978-7-5325-6840-6/I·2673

定價 三百九十八元

天問傳

區湖蕭雲從尺木甫畫

附注

天問者屈原之所作也何不言問天天尊不可問故曰天問也屈原放逐憂心愁悴彷徨山澤經歷陵陸嗟號旻昊仰天歎息見楚有先王之廟及公卿祠堂圖畫天地山川神靈琦瑋僜僂及古賢聖怪物行事周流罷倦休息其下仰見圖畫因書其壁呵而問之以渫憤懣舒瀉愁思楚人哀惜屈原因其論述故其文義不次序云爾



畫天問圖總序

蕭子曰畫家之工於堵壁其楚先王之廟之遺乎古者尸

居監觀以爲天道人事之正象物而動神禹鑄鼎文周勒鐘其來遠矣第倣迥則吉從慝則凶頽仰之間憂樂之頃相應如響乃暴者自謂有命在天投龜言之囊血射之悠悠蒼天亦無可如何於若輩矣然則天至此其不可問邪問之不可而復有對之者乎對之不得而復有畫之者乎抑何愚哉夫嬴秦恃其富彊鞭笞天下屈子見宗廟祠堂不忍復會於荊棘中而不甘遽死逐事呵而問之彼其中豈不知福善禍淫之若循環然邪意謂天必有不可明告於人者與人之必有不可解於天之故者只此殘粉沉丹照曜四壁間者淒淒然可相索也獨怪楚之筭路藍縷啓於山林而博物如倚相者尚未數數何獨攻上國之制作文章而爲之歟彼纒見卷衣則五帝之繡會三王之皞收牟追也箭鏞圭黻象珥魚簾則元公之記於攷工也圖其事者先稽其典則明法物之不可廢也至于舞干蠻過環轡戎歸則知遠方之宜率服也鼓刀負鼎則慶賢人之遇也醢身披髮則慟忠直之窮也石脬桑育虎乳鳥燠脫焚出泉則紀聖人之生不偶也燭龍之啓其長夜也岐蛇之斃於自噬也縫裳亂倫之賁首也棘林肆情之蒙羞也牛

飲之鴈也蟲屍之爭也此其儀型可鑒而報復無殊者爾
若夫大荒內外亦何所不有獸作人言鳥傾仙藥長蛇吞
象委蚪負熊白龍輕身赤鳥解羽此豈寓言托諷哉徹於
形格於理宛然目前也乃如入柱之爲幹維九城之不
撞折出湯谷者次蒙汜安屬放者恒曜靈三足之鳥缺唇
之貌貞明於亘古者孰得而翳之哉合而觀之無幽淑而
不彰無隱悖而不殲被讒者有蚤名竊據者無螻類不得
之於身必得之於子孫卜吉凶於大易詳褒刺於春秋何
如披圖而按雖彊梁汶閭之失未有不悚然知愆者矣而
況有屈子之問反覆悲吟以發其深思哉夫秦有天下焚
燔詩書坑絕儒行此其辜其惡較之無德而鯨吞四海者
更極大也天豈容之乎嗟夫秦方自謂一世萬世矣孰知
宮中嫪毐身爲奇貨伯翳非子之祀斬之久矣蘇軾謂六
國未亡而秦先亡者是也又何待楚之三戶也歟屈子固
明知之而不敢道也不然左圖右史豈欺我哉經曰惟庚
寅吾以降嘗讀楚世家吳回代重黎與昭王卒軍中年日
皆系此以爲荆楚歲時之重余爲圖之紀適相邁也乃作
穀鬬於菟終焉

日月三合九象
八經十二分圖



曰遂古之初誰傳道之上下未形何由考之冥昭瞢瞢誰能極
之馮翼維像何以識之明明闇闇惟時何爲陰陽三合何本何
化圓則九重孰營度之惟茲何功孰初作之幹維焉繫天極焉
加八柱何當東南何虧九天之際安放安屬隅隈多有誰知其
數天何所脊十二焉分日月安屬列星安陳出自湯谷次於蒙
汜自明及晦所行幾里夜光何德死則又有厥利維何而顧菟
在腹

十二辰豫本詩之庚午禡祭史二首六身三月龍見蒼頡
巳蛇寅虎是也柳對烏侯卽三足在日中者也月則顧菟
矣嘗見皇極圖三合九重入柱具焉爲洛書之疇數也卽
三百六十一爲象山方畧京房之律原也非敢臆也

芦岐九子



女岐無合夫焉取九子

柳對以岐靈而子也朱子引釋氏鬼子母證之鬼字卽九
字紂醢鬼侯淮南曰九侯又曰九者陽之數也陰極而生
之也

白
猿



伯强何厲惠氣安在

道書有伯强云古之憤忠戰殤者如睢陽所謂死當爲厲是也或曰伯强卽周禮方相二字轉注故虎豹熊羆黃金四目從之

角宿耀靈



何闔而晦何開而明角宿未旦曜靈安藏

角東方星也曜靈日也按大角爲帝座之首故畫鯨對以
蒼龍則亢矣於問無取地肺經謂東海日出其光九輪下
有神鯨蜿蜒吞吐之狀

雖龜曳旌
引謁羽山



不任汨鴻師何以尚之僉答何憂何不課而行之鴟龜曳銜鮌
何聽焉順欲成功帝何刑焉永遏在羽山夫何三年不施伯禹
腹鮌夫何以變化纂就前緒遂成考功何續初繼業而厥謀不
同洪泉極深何以寘之地方九州則何以墳之

王逸云汨治也鴻鴻水也師衆也堯放鮌於羽山飛鳥蟲
曳鮌而食之三年不舍其罪鮌很愎而生禹遂平九土嗟
乎爲國而死蒙罪何辱况有益愆之聖邪世又水經代有
天下食報宜矣故悉畫之以旉符命之說又按汨謂亂也
書曰鮌堙洪水汨陳其五行王逸東漢人未見古文尚書
爾

騰龍畫柯梅

